



## Centro Nacional Chega! I.P

*Da Memória à Esperança*



### TERMU REFERENSIA (ToR)

**Sub-Atividade - 02427051: # de jovens que participaram no programa de Chega! Young Ambassador (CYA)**

### **“REKRUTAMENTU CHEGA! YOUNG AMBASSADOR TRAINEESHIP CYA – 2025”**

#### I. **Introdusaun**

Dekretu Lei nú 48/2016, 14 de Dezembru kria Centro Nacional Chega! I.P (Centro Chega!) hodi 'promove no monitoriza implementasaun rekomendasaun Comisaun Akolhimentu, Verdade no Rekonsiliausaun (CAVR), institusionaliza memoria no promove direitus umanus liu-hosi edukasaun no formasaun, solidariedade ba sobrevivente vulneravel liu kauza violasaun direitus umanus, nomós kria Centro Nasional Memoria, Peskiza no Aprendizajen.

**Chega! Young Ambassadors Traineeship Program (CYA)** hanesan espasu ba hatutan implementasaun rekomendasaun Comição de Acolhimento, Verdade e Reconciliação (CAVR) Timor-Leste no Comição Verdade e Amizade (CVA) Timor-Leste no Indonézia, nomos suporta implementasaun mandatu Centro Chega! nian.

CYA oportunu ba foinsa'e sira iha Timor-Leste, hodi halao programa eh atividade sira mak kontribui ba promove Paz, Direitus Umanus no mekanizmu Justisa tranzitoriu iha Timor-Leste, relativamente aliña ho programas/atividade mak kontempla iha planu servisu annual Centro Chega! nian.

Nune'e membru CYA envolve iha prosesu dezeña, dezvoltimentu, no implementasaun konteúdu programas/atividade CYA nian. Iha tinan 2022 to 2024 foinsa'e hamutuk nain 8 kompostu hosi Feto 4 no Mane 4 ne'ebé destaka iha Divizaun/unidade servisu 5 iha Centro Chega! nomeadamente Divizaun Politika, Planeamentu no Rekursu Humanu (DiP-PRU), Divizaun Relasaun Esterna, Komunikausaun no Advokasia (DREKA), Divizaun Prezervasaun no Memorializasaun (DPM), Divizaun Servisu Reparativus (DSR), no Divizaun Edukasaun no Formasaun (DEF).

Naturalmente, **Chega! Young Ambassadors Traineeship Program (CYA)** nu'udar elementu (indikator) xave ida iha atividade 0242705 – Desenvolver Um Centro de Resolução de Pós-Conflito (CRPK) iha sub-programa 02427 – Integra Conteudu Chega! no Per Memoriam Ad Spem iha Kurikulo Ensinu, no programa 024 – Cultura e Patrimonio.

Haktuir ba meta (*target*) iha PAA 2025, iha tinan ida ne' e foinsa'e na'in 3 mak sei hala'o funsaun nu'udar CYA, nune' e DiP-PRU sei hala'o rekrutamentu ba foinsa'e na'in 3 tan hodi kompleta número CYA iha tinan 2025.

Tanba ne'e servisu jestaun rekursu humanu Centro Chega! subordina iha Divizaun Politika Planeamentu no Rekursu Umanus (DiP-PRU) dezvoltolve dokumentu ida ne'e hodi guia prosesu rekrutamentu ba membru CYA tinan 2025. Nune'e dokumentu ida ne'e deskreve konaba objetivu hosi programa, grupu alvu, mekanizmu implementasaun programas/atividades, rekursu sira mak sei utiliza, no dispozisaun final.

<sup>1</sup> Artigo 3º Dekretu Lei Nu. 48/2016, 14 de Dezembro



## Centro Nacional Chega! I.P

*Da Memória à Esperança*



### II. Objétivu

#### 2.1. Objétivu Geral (Objétivu Médiu Prazu)

- **Objétivu Jeral Programa 024: Cultura e Património; Memória histórica preservada e promovida, entidades públicas e sociedade sensíveis aos valores dos direitos humanos.**
- **Objétivu Subprograma 02427: Integrar o conteúdo de Chega! e Per Memoriam Ad Spem no currículo de ensino:**
- **Objétivu Atividade 0242705: Desenvolver Um Centro de Resolução de Pós-Conflito: (1) # de jovens que participaram no programa de Chega! Young Ambassador (CYA);**

#### 2.2. Resultadu Esperadus

##### a) Chega! Young Ambassadors Traineeship Program (CYA)

- Purtantu, servisu hotu mak deskreve iha Termu Referénsia ida ne'e foku ba atinje indikador dahuluk mak "Foinsa'e na'in 3 hola parte ona iha Chega! Young Ambassadors Traineeship Program (CYA)."

### III. Grupo Alvu Chega! Young Ambassadors Traineeship Program (CYA)

Timor-oan feto no mane ho idade 18-30 mak estuda hela iha univesidade ka institutu superior (universitariu), finalista ka graduandu/a foun sira mak nu'udar alvu (*target*) ba **Chega! Young Ambassadors Traineeship Program (CYA)**.

### IV. Fatin no Tempo implementasaun

**Membriu Chega! Young Ambassadors Traineeship Program (CYA)** hala'o knar iha edifisu Centro Nacional Chega! I.P iha Antigo Comarca Balide, Dili Timor-Leste. Hatuir PAA & PO tinan 2025, implementasaun ba sub-atividade Chega! Young Ambassador sei hahu ho prosesu preparasaun ho relatoriu iha fulan Janeiru – 31 Dezembru 2025.

### V. Kritéria no Dokumentu Nesesáriu

#### 5.1. Kriteria

Kritéria ba kandidatu membru *Chega! Young Ambassadors Traineeship Program (CYA)* mak hanesan tuirmai ne'e:

- a) Timor oan;
- b) Idade 18-30;
- c) Halao hela estudu, finalista, ka gradua ona hosi ensinu superior ka univesidade;
- d) Iha abilidade komunikasaun ne'ebé diak;
- e) Iha konesimentu konaba Direitus umanus;
- f) Bele koalio lian ofisial no lian Inglés ho diak;
- g) Bele ka hatene uza komputador;
- h) Kondisaun fizika no mental saudavel;
- i) Prontu hala'o knar iha territóriu nasional no internasional;



## Centro Nacional Chega! I.P

*Da Memória à Esperança*



- j) Prontu servisu iha situaun presau nia laran;
- k) Hakerek Essay konaba situaun Direitus Umanus iha Timor-Leste ho total liafuan 200.

### 5.2. Dokumentus Nesesariu

Hamatan ba kritéria mak iha, nesesáriu ba aplikante *Chega! Young Ambassadors Traineeship Program (CYA)* atu submete dokumentu sira mak hanesan:

- a) Karta rekerimentu dirije ba Diretor Ezekutivu Centro Chega! Hugo Maria Fernandes;
- b) Kurikulum Vitae;
- c) Sertidaun RDTL, Bilete Identidade ka Kartaun Eleitoral;
- d) Habilitasaun Literaria (Dokumentu Relevante hanesan: Ficha Plano de Estudo (KRS sigla Indonezia), Ficha Resultado de Estudo (KHS sigla Indonezia), ka transkrisaun valor);
- e) Sertifikadu formasaun Direitus Humanus;
- f) Sertifikadu Kursu Komputador;
- g) Sertifikadu Kursu Lian Inglés no/ka Portugés;
- h) Atestadu Médiku Anexu (Bainhira admitidu)
- i) Essay konaba situaun Direitus Umanus iha Timor Leste (minimu liafuan 200).

## VI. Mekanizmu / Dinamika Servisu

Hodi hetan pesoal hirak ne'ebé mak iha abilidade, kapasidade no koñesimentu mak defini/deskreve ona iha dokumentu ida ne'e, servisu rekrutamentu membru CYA – 2025 hanesan tuirmai:

### 6.1. Faze Preparasaun

- 1) Divizaun Politika, Planeamentu no Rekursu Umanus (DiP-PRU) liu hosi Oficial Dezenvolvimentu Institusional prepara esbosu Termu Referênsia (TOR) rekrutamentu CYA - 2025, haruka ba Chefe Imediatu (Diretora DiP-PRU) hodi verifika, sertifika, no submete ba Diretor Ezekutivu hodi hetan aprovasaun;

**Rezultadu : Termu referensia Aprovadu.**

- 2) Oficial Dezenvolvimentu Institusional prepara *Pedido Autorizasaun Despesas Orsamental (PADO)* no submete ba Divizaun Finansa no Operasional (DFO) aneksa ho TOR rekrutamentu CYA – 2025 aprovadu, relativa ho pagamentu insentivu ba membru CYA – 2025;

**Rezultadu : PADO Aprovadu**

- 3) Submete lista kompozisaun ekipa juri (minimu ema nain tolu kompostu hosi presidente nain ida no membru nain rua) ba Diretor Ezekutivu hodi hetan aprovasaun;

**Rezultadu : Lista Ekipa Juri Aprovadu.**

- 4) Oficial Dezenvolvimentu Institusional prepara Esbosu Ajenda Rekrutamentu Chega! Young Ambassador 2025 nian no submete ba DE hodi hetan Aprovasaun;

**Rezultadu; Ajenda Rekrutamentu Aprovadu.**

- 5) Oficial Dezenvolvimentu Institusional prepara, koordena ho DREKA hodi halo dezenu publikasaun no submete dezenhu publikasaun vaga ba DE hodi hetan aprovasaun;

**Rezultadu; Esbosu Dezenha Publikasaun Vaga Aprovadu.**





## Centro Nacional Chega! I.P

*Da Memória à Esperança*



- 6) Oficial Dezenvolvimentu Institucional koordena ho Ekipa Juri hodi elabora perguntas Entrevistas hodi hetan aprovasaun husi DE.

**Rezultadu; Perguntas Entrevista Aprovadu.**

### 6.2. Faze Implementasaun

Prosesu hotu mak hala'o iha faze ida ne'e tane ass prinsipiu aberta, profesionalizmu, meritu, imparcial, independente, akuntabilidade, toleransia no diversidade sosial

- 1) Anunsiu konkursu atravez website Centro Chega! [www.chega.tl](http://www.chega.tl) nomós pagina facebook Centro Nacional Chega! I.P;

**Rezultadu; Vaga Rekrutamentu CYA 2025 Publikadu.**

- 2) Oficial Dezenvolvimentu Institucional (DiP-PRU) simu no rejista dokumentu hosi aplikante direktamente ka atravez E-Mail [recrutamento@centrochega.gov.tl](mailto:recrutamento@centrochega.gov.tl) iha fulan Fevereiru nian laran(loron servisu);
- 3) Oficial Dezenvolvimentu Institucional (DiP-PRU) elabora no submete relatoriu Publikasaun Vaga Chega! Young Ambassador 2025 nian ba Diretor Ezekutivu hodi hetan Aprovasaun.

**Rezultadu; Relatoriu Publikasaun Vaga Aprovadu.**

- 4) Oficial Dezenvolvimentu Institucional (DiP-PRU) elabora no submete relatoriu Selesaun Dokumentus Chega! Young Ambassador 2025 nian ba Diretor Ezekutivu hodi hetan Aprovasaun.

**Rezultadu; Relatoriu Selesaun Dokumentus Aprovadu.**

- 5) Oficial Dezenvolvimentu Institucional (DiP-PRU) elabora no submete relatoriu Entrevista Chega! Young Ambassador 2025 nian ba Diretor Ezekutivu hodi hetan Aprovasaun.

**Rezultadu; Relatoriu Entrevistas Aprovadu.**

### 6.3. Faze Relatoriu no Despacho Diretor Ezekutivu

- 1) Oficial Dezenvolvimentu Institucional elabora relatoriu final rekrutamentu, verifica no/ka sertifika hosi Diretora DiP-PRU no submete ba Diretor Ezekutivu hodi hetan aprovasaun.

**Rezultadu; Relatoriu Final Rekrutamentu Chega! Young Ambassador 2025 Aprovadu.**

### 6.4. Notifikasaun no Asina Kontratu

- 1) Oficial Dezenvolvimentu Institucional submete dokumentu tomak prosesu rekrutamentu nian hahu hosi anunsiu konkursu to'o despacho Diretor Ezekutivu, inklui konta bankaria kandidatu sira nian ba Servisu Aprovizionamentu Centro Chega! hodi procesa kontratu (*contrak management*), bainhira nesesa haktuir natureza orsamentu atividade nian;
- 2) Oficial Dezenvolvimentu Institucional kontaktu kandidatu CYA – 2025 hodi asina termu aseitasaun ba kontra asedi sexual, protesau labarik, asaun disiplinár, no kontratu servisu ho Diretor Ezekutivu Centro Chega!

### 6.5. Destaka Membru CYA – 2023 no Induzaun

Ofisial Dezenvolvimentu Institucional kordena no/ka konsulta ho partes relevante hodi deside membru CYA – 2025 destaka ba divizaun sira, no halo induzaun haktuir Nota Konseitu Programa Chega! Young Ambassador iha Centro Chega! mak aprovadu.



## Centro Nacional Chega!.P

*Da Memória à Esperança*



### VII. Monitorizasaun, Avaliasaun no Relatoriu

#### 7.1. Monitorizasaun

Servisu monitorizasaun hala'o hodi serteja implementasaun atividade tuir tempu no mekanizmu sira mak define ona. Nune'e relativa ho servisu ida ne'e, Diretora Politika Planeamentu no Rekursu Humanu mak monitoriza implementasaun servisu rekrutamentu membru CYA – 2025, uza métodu aplikavel;

#### 7.2. Avaliasaun

Servisu avaliasaun hala'o hodi sukat atinjimentu rezultadu servisu tuir planu. Nune'e servisu ida ne'e hala'o hafoin finaliza prosesu tomak rekrutamentu nian. Avaliasaun ne'e liderada hosi Diretora Politika Planeamentu no Rekursu Humanu, ne'ebé envolve Oficial Dezenvolvimentu Institusional, Ekipa Juri, no Oficial Media no Publikasaun.

#### 7.3. Relatoriu

Divizaun Politika Planeamentu no Rekursu Umanu liu husi Oficial Dezenvolvimentu Institusional mak elabora relatoriu jeral hahu hosi servisu preparasaun to'o iha avaliasaun servisu/atividades, no submete ba Diretora Politika Planeamentu no Rekursu Humanu hodi verifika no sertifika, no entrega ba Diretor Ezekutivu loron 10 hafoin asina kontratu.

### VIII. Responsabilidade no Knar Membru Chega! Young Ambassadors Traineeship Program (CYA)

#### 8.1. Responsabilidade CYA iha Divizaun Destakadu

Nu'udar temi ona iha parte introdusaun hosi dokumentu ida ne'e, membru *Chega! Young Ambassadors Traineeship Program (CYA)* sei hala'o servisu iha Centro Chega! perante destakamentu iha divizaun traballu sira hodi hala'o programas/atividades tuir natureza programa CYA nomós aliñamentu programas/atividades annual Centro Chega! nian. Nune'e Membru CYA sira iha responsabilidade ba:

- a) Promove (suporta) implementasaun rekomendasaun Chega! no PMAS;
- b) Promove mandatu Centro Nacional Chega!.P nian tuir Dekretu-Lei Nu. 48/2016;
- c) Promove servisu no envolvimentu Centro Nacional Chega!.P nian no hasa'e konsiensia publiku nian konaba servisu no esforsu sira Centro Nacional Chega!.P nian ba foin sa'e sira iha Timor-Leste;
- d) Partisipa iha servisu no atividade Centro Nacional Chega!.P nian;
- e) Kria no/ka promove oportunidade eh espasu aprendizajem ba foinsa'e sira iha área Direitus Umanus, Justisa Transisional, hari'i paz, no servisu relasionadas ho ambitu eh natureza divizaun traballu mak destaka ba;
- f) Kria no/ka Promove servisu advokasia no rede (*network*) servisu entre Centro Nacional Chega!.P iha Timor-Leste no iha rai liur.

#### 8.2. Tarefas Membru CYA iha Divizaun Destakadu

##### Deskrisaun Knaar :

- I. Estuda no komprende natureza servisu no planu asaun anual Divizaun Prezervasaun no Memorializasaun hodi dezenvolve programas atividade relasionada kabe ba responsabilidade CYA nian;





## Centro Nacional Chega! I.P

*Da Memória à Esperança*



2. Identifika no integra servisu iha divizaun sira nian iha programas/atividades CYA nian;
3. Dezenvolve no submete/publika konteudu publikasaun relativa ho servisu prezervasaun no Memorializasaun iha meius komunikasaun sosial CYA nian;
4. Mobiliza no enkoraja foinsa'e sira ba aprende no promove historia atravez produktu ka konteudu servisu Prezervasaun no Memorializasaun Centro Chega!
5. Partisipa ativa iha implementasaun programas/atividade CYA nian hodi garante no asegura implementasaun prorgamas/atividade ho efektivu, efisiente no responsáveis;
6. Partisipa ativa iha implementasaun programas/atividade Divizaun nian hodi hasa'e konesimentu konaba servisu peskiza no arkivu istoriku iha Centro Chega!
7. Prepara no submete relatoriu mensalmente ba kordenador/a CYA mak certifika ona hosi mentor, hodi kompila no submete ba Diretor Ezekutivu Centro Chega! atravez Divizaun Politika Planeamentu no Rekursu Umanu (DiP-PRU), nu'udar referensia no/ka baze desizaun relativa ho dezenvolvimentu no aprimoramentu ba programas/atividades CYA;
8. Halo servisu seluk tuir orientasaun Mentor, Diretor Divizaun, DiP-PRU no/ka Diretor Ezekutivu Centro Chega!

### **Kualifikasaun:**

- 1) Timor oan;
- 2) Idade 18-30;
- 3) Halao hela estudu, finalista, ka gradua ona iha area relevante;
- 4) Iha abilidade komunikasaun ne'ebé diak;
- 5) Iha konesimentu konaba Direitus umanus;
- 6) Bele koalio lian ofisial no lian Ingles ho diak;
- 7) Kondisaun fizika no mental saudavel;
- 8) Iha koñesimentu baziku kona-ba komputador;
- 9) Iha abilidade servisu ekipa;
- 10) Iha kapasidade ba asegura konfidensialidade;
- 11) Prontu hala'o knar iha territóriu nasional no internasional;
- 12) Prontu servisu iha situasaun presau nia laran;

## **IX. Rekursu Mak Presiza**

### **9.1. Ekipa Servisu**

- a) **Responsável Jeral:** Diretora Politika, Planemaentu no Rekursu Umanu (DiP-PRU), Sra. Maria Arminda Guterres da Costa;
- b) **Responsável Principal:** Oficial Dezenvolvimentu Institucional, Sr. Juvelino Antonio Alves Fernandes;
- c) **Publikasaun:** Divizaun Relasaun Esterna Komunikasaun no Advokasia (DREKA), Sr. Raimundo S. Fraga;
- d) **Ekipa Juri:** Hafoin deside (TBC);
- e) **Fatin no Fasilidades:** Divizaun Finansas no Operasional (DFO), Sr. Filipe dos Santos



## Centro Nacional Chega! I.P

*Da Memória à Esperança*



### 9.2. Orsamentu

Kustu ba Partisipante Chega! Young Ambassador hamutuk US\$ 6,750.00 alokadu iha rubrika 50225; - Serviços Profissionais, no sub-rubrika 5022501: Estudos, Pareceres, Projetos e Consultadoria.

Orsamentu ne'e sei halo levantamentou kada fulan, kabe ba pedidu pagamentu hosi DiP-PRU aneksa ho relatoriu servisu mensal membru Chega! Young Ambassador nian.

### X. Maktaka

Termu Referensia ida ne'e nu'udar matadalan hodi hala'o prosesu rekrutamentu ba Chega! Young Ambassador Traineeship tinan 2025. Dokumentu ne'e mos banati ba Nota Konseitu Programa Chega! Young Ambassador iha Centro Chega! mak aprovalu ona. Karik iha mudansa ruma mak akontese sei regula iha dokumentu administrativu sira seluk.

Prepara Hosi:

  
**Juvelino A. A. Fernandes**  
Ofisial Dezenvolvimentu Institucional

Verifika Hosi:

  
**Maria Arminda G. da Costa**  
Diretora DiP-PRU

Aprova Hosi:

  
**Hugo Maria Fernandes**  
Diretor Ezekutivu

5/21/2025